

1. 炎帝係中國傳說上古時代嘅其中一位首領。炎帝同黃帝一齊被尊為中華民族嘅祖先，所以中華民族會自稱為「炎黃子孫」。
2. 以前啲家庭嘅分工係「男主外，女主內」，即係以媽媽為「家庭主婦」，負責嘅屋企打理家頭細務、照顧小朋友，爸爸就嘅外面返工賺錢養家。對比而家，好多父母都係「在職家長」，大家都要返工搵食，少咗好多時間照顧子女。
3. 「獨留兒童在家」嘅香港係犯法㗎！以前曾經有段時間，有唔少小朋友一個人留嘅屋企而發生意外，所以政府依家已經立法禁止家長將16歲或以下兒童獨留嘅屋企喇。
4. 「西貢」係香港新界東部（唔係西邊呀）嘅一個小市鎮，同樣面向一個好大概嘅海，仲因為當地獨特嘅漁村風貌、老舊嘅歷史古廟同荒廢舊墟，畀人遠離煩囂嘅感覺，所以有「香港後花園」嘅美譽。
5. 正所謂「欺山莫欺水」，山嘅危險之處一般都係肉眼可見，但水嘅危險係暗藏嘅水底之下，唔易察覺。所以落水要有所警惕，進行任何水上活動之前，都要做好安全措施呀！
6. 照計生命死咗係唔會翻生嘅，例如「鹹魚」（死屍嘅俗語）。但廣東話有句說話叫「鹹魚翻生」，係指遭遇挫折或者失敗之後，意外地有所突破，甚至成功返嘅情況。
7. 我哋可以用「死唔眼閉」嚟比喻心有不甘、唔服氣，例句有「我為公司咁賣命，佢竟然炒我，真係死唔眼閉！」但如果用科學解釋「死唔眼閉」現象，其實人死後會出現屍僵，肌肉會收縮，包括眼瞼附近嘅肌肉，所以死後合唔埋眼好正常。
8. 香港有兩個靠填海而成嘅人工泳灘，第一個係屯門嘅黃金泳灘，第二個係大埔嘅龍尾灘。
9. 我哋可以用「英年早逝」嚟表達對年紀輕輕就離開人世嘅人嘅惋惜或感嘆。
10. 我哋唔好睇小每一個微小嘅行為，正所謂「積少成多」、「聚沙成塔」，逐啲逐啲做或累積，即使一開始只係啲好少量嘅沙，假以時日都可以積聚成一座塔咁高嘅建築物，影響可以好大㗎！

by 綠柚子